



默示錄



第十一册



默



示

錄



宗徒伊望默示錄

第一章

伊伊穌斯合彌斯托斯之默示、乃天主所予、爲伊以不久
應成之事、傳其僕衆、伊卽遣己天神、示此於其僕伊望卽
爲天主道、及伊伊穌斯合彌斯托斯證、並其親目所覩作
據者、夫讀及聞此預言所紀而守之者、實爲福、因時日伊
邇、伊望書達阿濟亞七會、願錫爾恩寵安和、由今昔及後
永在者、並其寶座前七神、與伊伊穌斯合彌斯托斯係眞
實無妄之證、爲死中肇生之始、冠天下百王、愛我且流厥
血、滌我罪、以我爲王、爲司祭事其父天主者、光榮權柄皆

歸之於世世阿民瞬息彼將乘雲倏至時凡目及昔刺之

者皆得見之大地諸族見之必哀誠哉阿民天主入即今昔

及後永在之全宰曰吾乃阿利發及沃啐夏乃初及終云

我伊望係爾弟遭難及享國並爲伊伊蘇斯合九彌斯托斯

之忍皆共有分者爲傳天主道及伊伊蘇斯合十彌斯托斯

證而被謫於葩特摩斯島遇主日感於神聞背後大聲如

吹角曰吾乃阿利發及沃啐夏乃第一及末者爾所及見

者宜筆於書達阿濟亞諸會乃耶斐斯斯密爾那

撒爾夏木肥阿提擱薩爾底斯肥拉曼利肥亞勞底饒亞

等處我回顧欲觀語我聲顧則見金槩七其七槩間有似

人子者、服長衣、胸交束金帶、首及髮、白若羊絨、若雪、目若
火、燄足如金在冶、聲如洪濤、右執七星、口吐利劍、其容如
日輝、丕著時、我驟見之、伏其足下、如死、彼右手撫我曰、毋
畏、我乃第一及末者、永生曾死而仍生、恆在無窮世、阿民、
並執地獄死亡鑰、今爾所得見、凡屬現世、及將來必顯之
事、筆之於書、爾見我右手所執七星、其秘解如左、七星卽
七會之天神、爾所見槩之七燭、乃七會

第二章

爾宜書達耶斐斯教會天神、謂右手執七星、行於金槩七
燭間之主、諭曰、我知爾所爲、爾勞苦、爾忍耐、並弗容邪蕩

者且曾察彼自稱爲宗徒者實非是乃知其爲妄誕人爾
所歷容忍者實多及爲我名勤勞不倦然猶有可摘因爾
初愛我之誠今則稍卻宜思自何如高而墜隕宜速改悔
復行其初行不然我將速至遷易爾燭檠謂爾若弗改悔
然爾有可取者一爾惡亦我所惡之尼适賴等行凡有耳
者宜詳聽聖神諭諸教會言曰凱勝者我將以天堂生活
樹所結果賜彼食爾宜書達斯密爾那教會天神謂第一
及未經死而今生之主諭曰我知爾所爲爾艱辛並處貧
乏係實富厚及謗言出於彼自稱伊屋疊亞人實非是乃
薩他那黨爾毋懼將來宜受之苦魔以爾中數人囚於獄

試之、歷十日、爾儕必懷憂、爾宜盡忠至死、我必錫爾永生、
冠凡有耳者、爲聽用、宜聽聖神諭諸教會言、曰、凱勝者、不
被害於重死、爾宜書達撒爾、夏木教會天神、謂有利劍之
主諭曰、我知爾所爲、及爾所處、乃薩他那臺座、並知爾執
我名、及我忠證、安提葩於爾儕、薩他那居所見殺時、爾猶
不背我教、然猶稍有可責、因爾中有遵瓦拉阿木訓者、昔
伊授計於瓦拉克、引誘伊斯攔、伊利人食祭偶物、且淫行、
爾所屬中、亦有遵尼迺賴黨、我所惡之教者、故宜改悔、不
然、我將速至爾、以口之利劍、與彼交戰、凡有耳者、爲聽用、
宜聽聖神諭、教會言、曰、凱勝者、我將以所秘芒、那賜食、頒

以白玉上鑄新名、惟受者識之、外此無識者、爾六宜書達

肥阿提擲教會天神、謂曰若火燄足如金冶之、天主子諭

曰、我六知爾所爲、敦愛服勞、信德恆忍、及爾後所行、較前尤

勝、然猶稍有可責、因爾允許婦耶、匪韋利自稱先知者、誘

我僕衆行淫食祭偶物、我三予以改悔、淫行限、彼猶不悛、今

我委之牀第、從伊淫亂者、亦悉加以疾苦、謂如弗改悔、其

所爲、且伊所生子、必盡擊死、使諸會知我能鑒察人衷心

臟腑、視爾所行報之、至其餘居肥阿提擲人、未崇此訓、並

弗知屬薩他那、那自稱蘊奧者、我不以他任責爾、惟所五受者

宜恆守之、待我臨格、凱勝終守我命者、我將畀以權、使制

異邦伊^毛以鐵杖揮之、彼將如陶具見損壞、賜此者、如我承
受於我父^元然^元外復賜以晨星^元、凡有耳者爲聽用、宜聽聖神
諭教會言、

第三章

爾宜書達薩爾底斯教會天神、謂率七神及執七星之主、
諭曰、吾知爾所爲、爾有名似生而實死、故當儆醒、堅定其
將死者、因我察爾行實、不見其成全於我主前、^三追憶爾所
受所聞者、宜保守且改悔、如不做醒、則必就爾、猶盜猝至、
爾並不能揆其何時^元、然爾薩爾底斯中有數人、未污厥衣、
且服白衣從我遊、必矣、因其克配此^五凱勝者、將服白衣、且

我弗削厥名於生命冊、必傳呼其名、於我父及厥衆天神前、凡有耳者、宜聽聖神諭諸教會言、爾宜書達

肥拉疊利肥亞教會天神、謂執達微德鑰、啟則無能闖、闖則無能啟、至聖至誠之主曰、我知爾所爲、我啟門於爾前、無人能闖、爾力微、已守我道、弗背我名、彼薩他那黨、自稱伊屋疊亞人、實非是、乃誑言者、我必使之俯伏爾前、俾知我愛爾、因爾固守我忍耐訓、故我亦保護爾、於斯世將至、以試衆民之誘、我將速至、爾所有者、守之、不致爲爾所備、冠人先得之、凱勝者、我將以彼爲柱、樹於我主堂、彼亦不復移去、我以天主名及天主邑、係天降新耶爾薩利木名、

及我新名書於其上、凡有耳者、宜聽聖神諭諸教會言、爾
宜書達勞底饒亞教會天神、謂阿民至誠真實證、卽天主
造化原始者曰、我知爾所爲、爾不寒不熱、爾或寒或熱、實
幸、因爾溫者、係弗寒弗熱、我必吐之、爾自稱富有已豐厚、
無所匱乏、而實不知爾誠爲可憫、困苦貧乏、瞽目裸身、屬
爾市我煅煉金、爲可致富、白衣自服、以免裸裎醜、且求膏
拭爾目、致可得見、我所愛者、警而責之、故爾宜熱心銳進、
且改悔、我於戶外叩門、有聞聲啟之者、吾將入室、與共飲
食、伊亦與我共凱勝者、必賜之、與我共坐於我位、如我凱
勝後、與我父同坐於其位、凡有耳者、宜聽聖神諭諸教會

言

第四章

厥後我仰觀、倏在天有門闕、前所聞如吹角聲、與我語者、
今復語我曰、來、我以此後必有之事示爾、旋卽感於神而
見在天有寶位、上有一坐者、貌如玉、如瑪瑙、有虹色如綠
晶、環繞其位、其四周復有二十四位、各有一老坐、服白衣、
戴金冕、迅雷閃電及聲自位中出、位前然七鐙、七鐙者天
主七神、位前有玻璃海、澄如水晶、位之中及位之四周、有
生物四、前後徧體有目、一若獅、二若犢、三貌似人、四若飛
鷹、四生物周體各有六翼、內外徧處有目、皆晝夜不息、言

曰、聖哉、聖哉、聖哉、今昔及後永在全宰之主云、其生物光榮尊敬、感謝坐於位而永生者、讚揚甫畢時、二十四老則俯伏於坐者前、以拜永生者、且脫冕置位前曰、吾主、克副光榮尊敬權力、因萬物爲爾所造、且萬物曾有及受造、皆係主旨。

第五章

我觀坐位者、右手執冊、其表裏皆有文字、鈐以七印、復見有能天神、巨聲問曰、孰堪展此冊、啟其印、天上地下暨幽冥、無有能展其冊而覽之者、我遂痛泣之久、因無人堪展此冊、而讀且覽之故、旋有一老慰我曰、毋哭、有獅、伊屋達

支派之分、達微德根株、彼戰勝、卽能展此冊、而啟其七印、
乃觀四生物及諸老之間、位中有羔立、若見殺、然其角七、
目亦七、皆表天主七神、施行於天下者、羔就坐位者、取其
右手之冊、羔甫取冊、四生物與二十四老、皆俯伏羔前、各
執琴瑟、金罍滿香、乃表聖徒祈禱之具、口誦新詩曰、爾克
當取此冊、啟其印、因爾見殺、以己血贖我、於各族各譯、諸
國諸民中、以歸天主、並天主前、立我爲王、爲司祭、我儕將
權治天下、云我旋見、且聞天神之聲、環位及生物、並諸老、
其數不啻億萬、皆大聲呼曰、見殺之羔、克當享其權力、富
有智慧、堅勇、尊敬、光榮、讚揚、繼聞天上地下、幽冥海中、百

物云讚揚尊敬光榮權力歸於坐位者及羔於無窮世於
時四生物曰阿民二十四老乃伏拜永生之主

第六章

我時見羔啟一印卽聞一生物其聲若雷云來觀我仰觀
則有白馬乘之者執弓冠所賜之花冠其往如勇勝者爲
必得勝迨啟其二印時我聞其二生物云來觀則有赤驢
出乘之者能收天下太平俾人相殺有授以巨刃者及啟
其三印又聞其三生物曰來觀則有玄驪乘之者手執權
量我聞生物中有聲云金一錢易麥一量金一錢易大麥
三量惟酒與油毋傷及啟其四印又聞其四生物曰來觀

我觀則有青駟乘之者名曰死、幽冥踵其後、彼蒙賜權、滅天下四分之一、以鋒刃饑饉疾疫猛獸殺之、及啟其五印、我觀察臺下緣奉天主道、及爲證其所據、被殺者之靈皆大聲呼曰、聖且誠之主、弗鞫天下億兆、弗伸我流血冤、將俟何時、卽有以白衣各授之、屬其少安以待、迨同勞弟兄亦見殺戮、而定數滿盈、及啟其六印、我觀之、倏地大震、日黑如褐、月赤如血、天星隕地、如無花果樹、爲風飄撼、墜落未熟之果、穹蒼弗見、若舒而復卷、山島遷移其所、世界諸王大臣富人干夫長、有能者、或爲奴、或自主、皆匿於巖穴、峽壑、巔呼山及壑石、日傾壓我等、匿覆我於坐位主之顏、

及羔之怒蓋羔怒之大日至孰能當之

第七章

厥後我觀四天神立地四極掌四風使毋吹陸地及海與
樹又觀一天神至自暘谷執永生天主印乃向司傷陸地
及海之四天神大聲語之曰直至我以印誌天主僕衆額
毋毀傷陸地及海與樹我聞受印者其數約十四萬四千
人僅屬伊斯攔伊利支派伊屋達支派印一萬二千人與
彌微木支派印一萬二千人夏德支派印一萬二千人
阿西爾支派印一萬二千人涅發利木支派印一萬二千
人瑪那西亞支派印一萬二千人西咩翁支派印一萬二

千人、列微支派印一萬二千人、伊薩哈爾支派印一萬二
千人、匝烏隆支派印一萬二千人、伊沃西福支派印一萬
二千人、韋尼阿明支派印一萬二千人、茲後我觀之、見廣
衆不可勝數、由諸國諸民、及各族各譯、立於寶位及羔前、
皆服白衣、執樹枝、大呼曰、救贖恩、實賴居位天主暨羔衆、
天神環繞寶位、及諸老與生物、俯伏位前、崇拜天主、皆云
阿民、讚揚光榮、智慧感謝、尊敬權力、堅勇、皆係於我天主
於無窮世、阿民一老問我曰、服白衣者爲誰、適何來、對曰、
長者自知之曰、此乃忍受鉅難、以羔所流血、曾滌厥衣、至
於潔白、緣此、伊等得至天主寶位前、晝夜事之於其堂內、

且居位主將爲其吽幪^{十六}彼不復饑渴日及諸熱弗能爆之
灼之^七因位中羔將牧之導至活水源天主且盡拭其目之
諸淚

第八章

及彼啟其七印天閒靜謐約半晷許^二我觀七天神侍天主
前有授以七號角者又一天神執金鑪立祭臺前有授以
多香者爲其以香與聖徒祈禱共獻於寶位前之金臺^四香
篆與聖徒祈禱自天神手升於天主前^五天神以鑪盛祭臺
火傾於地倏有衆聲大作雷轟電掣地震^六執七號角之天
神預俟吹之^七其一天神吹角遂雨雹與火與血隕地樹木

黑子金
三分之一燼滅芳草盡焚其_八二天神吹角火炎似山岡投
於海海三分之一變爲血海_九中百族三分亡一舟楫三分
沒一其_十三天神吹角遂有大星照如明鏡自天隕於河與
源泉三分之一星名茵陳水三分之一苦若茵陳人飲之
多死因水味極苦之故其_{十一}四天神吹角日三分蝕一月三
分蝕一星三分蝕一至其三分之一悉暗晝三分之一皆
晦夜三分之一無光我見且聞一天神飛於穹蒼大聲曰
禍哉禍哉禍哉由三天神吹角音將及天下億兆

第九章

其五天神吹角我卽見一星由天隕地有以深淵鑰授之

者及啟深淵有煙出如洪鑪煙日光穹蒼因深淵煙遂晦
冥有蝗自煙出徧地有以權賜之傷人如蝎有命蝗毋傷
諸草青苗及樹惟傷人係類未受天主印誌者並不許蝗
殺人第許困人經五閱月之間其困如被蝎螫苦此日人
將求死不得欲死而死避之蝗狀若將往戰之馬首有冠
若金容如男子髮如婦人齒若獅著甲若鐵甲然翼有聲
如車聲係羣馬疾馳往戰者有尾如蝎尾上有翼其權乃
傷人凡五閱月蝗有王乃深淵神依伊屋曼亞言名曰
阿瓦東格彌齊亞方言曰阿坡利翁一禍往次有二禍繼
至其六天神吹角卽有聲出自天主前金臺四犄角中語

執號角第六天神曰耶福攝特大江濱所繫四天神當釋
之遂使四神特備乘一時一日一月一年殺人三分之一
其騎軍數有二萬萬我聞其數若此我乘異觀見其馬並
乘之者所著甲係火及紫石並硫磺色馬首若獅口出火
與煙與硫緣此三災卽其口出之火與煙與硫致人死三
分之一因其能傷人之力在其口尾蓋其尾狀若蛇而有
首則以之傷人其餘於三災所未死者仍未改厥手所行
至弗事諸魔弗拜不見不聞不行金銀銅木石之偶像並
弗痛改其殺人其巫術其淫行其攘竊

第十章

又見有能之天神自天降、雲環繞之、首上有虹、面容如日、
股如火柱、手執展舒小冊、彼右足跨海、左足踐地、乃大呼
如獅吼呼畢、遂有七雷發其聲、迨七雷聲息、我欲筆之於
書、惟聞自天語我曰、七雷所發之言、宜秘之、毋載於冊、我
所見跨海踐地之天神、乃舉手向天、並指永生之主、係造
天及其上諸物、造地及所載諸物、造海及其中諸物者、而
發誓曰、此後必無晷刻、惟於第七天神吹角日、天主蘊奧
之機密必成就、誠如示其僕、即諸先知者、我所聞自天之
聲、復語我曰、爾往跨海踐地之天神、所執已展之小冊、可
前接之、我乃就天神謂之曰、請以小冊予我、神答曰、受而

食之於腹則苦、入口則甘如蜜、我遂接而食之、入口果甘如蜜、及食後腹則苦甚、天神復語我曰、爾復宜預言彼諸民衆族各譯多王之事、

第十一章

有以似杖之藤授我者、曰、起度天主堂及祭臺、與堂中崇拜者、堂外院、姑舍、無庸度、緣已留予、異邦伊等蹂躪聖城、經四十有二月、我將賦我二證者、彼服麻衣、宣示未來、經一千二百有六旬、此乃二橄欖、二燭檠、地主前所立、如有傷之者、彼必吐火滅敵、欲傷之者必見殺、彼二證者有權、能閉塞穹蒼、使其於宣示時、甘霖不降、亦有權司水、能變

水成血、並任意以諸災擊地、宣證既畢、有獸自深淵出、與之戰、勝而殺之、肆其屍於大邑衢路、其邑以神名之、或

莎多木、或耶備撒特、卽昔吾主受刑架處、諸國諸民、各族各譯、多人將觀其肆屍、三日有半、並弗許葬於墓、在地諸民、緣此欣喜歡怵、互相投贈、因二先知曾苦其居地者、然越三日有半、由天主以生氣入之、使復起立、觀者莫不駭

愕、二先知聞有聲自天云、爾可上、彼卽乘雲升穹蒼、諸敵皆目擊之、惟時地大震、城圯十分之一、死者七千名、餘衆皆驚駭、讚美天主、二禍既往、三禍旋至、第七神吹角、在天有聲甚大、云天下諸國咸歸吾主、亦歸其合欄斯托斯、其

將爲王、永世靡旣時、二十四老素居天主前之位者、俯伏崇拜天主、曰感謝吾主、今昔及後永在全能之天主、因爾已握爾大權而爲王、異邦忿亂、爾義怒遂興、審判死者、及賞二僕先知及聖人、與凡敬畏爾名者、由尊逮卑、而伸冤於彼爲世害者、厥時已至云、乃天主堂在天、倏啟、有主約詔、積見於堂中、大聲雷轟、電掣地震、巨雹並作、

第十二章

大異象倏顯於天、有婦身服日、足踐月、首冠十二星、懷妊、劬勞號呼將產、又復有異象顯於天、乃赤龍甚巨、七首十角、冠七冕、尾曳天星、墮三分之一於地、其龍立於將產之

婦前俟其分娩將吞其子生男卽厥後將治異邦叩以鐵杖子卽見升於天主及其位前而婦遁曠野於彼天主特備一所養育之歷一千二百有六旬時於天起戰爭

密哈伊勒率厥諸神與龍戰龍亦率其諸魔對敵而不能立遂不得處於天如是巨龍卽昔之蛇亦稱魔及薩他那素誘天下億兆者被擲於地所率諸魔亦與之見墜倏聞

有大聲自天云天主之救贖德能及國與其合爾斯托斯

權力盛行因晨夕於天主前譖我弟兄者今則見墜伊之勝彼因以羔血及憑其證之教不貪生至於死以故天與居天者宜相慶以樂禍哉居陸地與海者因魔降至爾舍

盛怒自知時日無幾，龍覺墜於地，遂逐生男之婦。有大
鷹雙翼，賜婦者，使其鴛於曠野。本處爲養育之，以避龍害。
歷一時，又歷數時，又半時之期，龍吐水成渠，以逐婦。後意
欲溺之，幸地護助婦，自坼吸龍所吐水。龍怒婦益甚，乃往
與婦之裔戰，卽守天主誠命，及保存伊伊穌斯。

合彌斯托斯證據者。

第十三章

我立於海沙際，見獸出海，七首十角，角冠十冕，首書謗主
號。其獸似豹，足如熊，口如獅。龍以己能力寶位大權，賜之。
我觀其一首受傷，似瀕死，忽愈。天下億兆奇之，惟獸是從。

皆拜授權於獸之龍、及拜獸曰、孰堪與獸頡頏、與之交戰、
有授獸以口才、許其言驕傲且謗主語、並以權力自逞、歷
四十有二月、伊啟口謗主、暨厥聖名、與厥居處、並凡居在
天者、許其秉權戰聖徒而勝之、遂治諸國諸民、各族各譯、
天下億兆、凡自創世來、見戮羔之冊、未錄名者、皆將拜之、
有耳者宜聽、凡擄人者亦將見擄、以刃殺人者亦將見殺、
在此有聖徒之忍耐與信、復見另有獸出地、彼有二角似
羔、出言如龍、此獸操海獸權、使天下億兆、拜受傷似瀕死
忽愈之獸、並行大異蹟、至使火自天降於人前、伊乘所受
權、行異蹟於獸前、誘天下億兆、使作像奉受傷得愈之獸、

以生靈界獸像使其像能言並能使凡不拜獸像者必見
殺亦令尊卑貧富主僕或於左右手或於額均受印誌如
非憑此印誌或不書獸名及其名之數者使不得交易於
此有深意才力之睿智者可計獸之名數因此數乃斯世
之數凡六百六十有六

第十四章

旋顧之倏見羔立於西翁山偕之者十四萬四千人皆書
羔父名於其額復聞自天有聲如怒濤澎湃如雷霆中含
鼓琴聲其歌如新詩於寶位前亦於生物及諸老前是詩
無有能做效者惟世蒙贖之十四萬四千人能之此乃不

與婦交自不污穢終身童貞從羔而行毋論其何往皆隨
之伊於儔類中得贖作爲初生而獻天主與羔者其口無^五
僞及天主寶位前無瑕無疵又觀一天神飛於穹蒼以永^六
存之福音爲傳天下億兆諸國諸民各族各譯大聲曰宜^七
敬畏天主歸榮之因其審判日至且宜崇拜造天地海及
諸水泉者又一天神繼至曰大邑瓦微隆傾圮傾圮因伊^八
以淫亂烈酒飲萬國民又一天神繼其後大聲曰凡拜獸^九
及獸像或於額於手受其印誌者其亦將飲天主義怒酒^十
其酒醇特備於主義怒杯飲之則於火與硫於羔及天神
前受困苦其受苦煙升起永無斷止乃崇拜獸及獸像或^{十一}

受獸名印誌者於內受苦晝夜弗息主在此有忍耐係守天主誠命及伊伊穌斯聖信之聖徒者忽聞主自天有聲命我曰宜筆之於書此後遵主而死者誠有福聖神誓曰誠然彼息其勤勞彼行實恆踵之弗離云復顧有采雲坐其上者容若人子冠金冕執利鎌主又有天神自堂出大聲向坐采雲者曰地上百穀已熟穫時至宜擲是鎌刈之坐雲者則以其鎌擲地百穀悉刈主又有天神自堂出亦執利鎌主又有司火之天神自祭臺出大呼執鎌者曰地上葡萄熟用利鎌收之主天神以其鎌擲地地上所有葡萄悉收納於天主赫怒之醉覆壓此果於城外遂有血流出高深及於馬

勒長約一千六百里

第十五章

乃觀在天有大且異之象。七天神司末災七，以盡天主怒。又見海如琉璃平鋪，閒以火。凡勝獸並像，及其印誌與名數者，均立其上。執天主琴咏天主僕摩伊些^三及羔之詩云：全能主，天主歟。爾行實誠大且妙。諸聖之王歟。爾之道公而真實，孰敢不敬畏吾主，或不頌禱爾聖名。因惟爾誠聖，天下萬民必至崇拜爾。因爾之義理顯見^五，厥後仰見爲證幕在天之堂廣啟^六。司七災之七天神自堂出，其衣皓潔，胷交束金帶^七。四生物之一，賜七天神各一金爵，內滿永生

天主所降之災由天主尊榮權力、煙滿堂中、七神降七災、未畢前無有能入堂者。

第十六章

我聞有大聲自堂出、語七天神曰、往哉、以爵滿天主怒者、傾於地、其一天神往、乃傾其爵於地、則凡受獸印誌、拜厥像者、卽生痛楚惡瘍、其二天神傾其爵於海、頓變如死人、血海中生族皆亡、其三天神傾其爵於江河、一切源泉皆變爲血、乃聞司水天神云、今後永在之主、待彼如此、爾實公義且聖、彼流先知諸聖血、今主以血賜彼飲、伊實相當、我聞又一由祭臺言者曰、吾主、全能之天主、爾理事之道、

誠實且公其四天神傾其爵於日卽曝人如火暑曝人烈
甚人謗讟秉權降災之天主仍茫然而不知頌禱其五天
神傾其爵於獸位其國晦冥彼自嚙己舌以其瘍痛甚彼
謗讟天主仍不改悔所爲其六天神傾其爵於耶福挪特
大江水立盡涸爲東王備途時見邪神似蛙者三自龍與
獸及僞先知口出彼卽魔行奇蹟就天下諸王誘之使集
待全能天主大日至則戰慎之我必如盜猝至儆醒守厥
衣服爲不裸裎免見羞醜者實爲福集其王於一所乃
伊屋疊亞方言曰阿爾瑪聯東其七天神傾其爵於大氣
中遂有大聲自天堂天主位出曰成矣電掣雷轟衆聲大

作地大震、自生民以來、未有如此大者、如此地震、如此之
大、大邑^九坼爲三、異邦衆邑、傾圮、時天主憶及瓦微隆大邑、
爲以滿赫怒酒、爵予彼飲、島嶼皆遁、山嶺盡失、天降巨雹、
於人而其大如他耶、特雹災旣甚、人因謗譏天主、

第十七章

執爵之七天神、其一語我曰、來、我以坐水上之大淫婦、將
受審之、判示爾、係世上諸王、與之行淫、天下億兆、數飲其
淫亂酒、屢致沉湎者、吾遂感於神、天神攜我適野、見一婦、
乘絳獸、七首十角、徧體書謗、主言婦^四服裝紫絳衣、飾金玉珠
璣、執金罍、貯可憎淫穢於中、其額書曰奧秘、瓦微隆大邑、

係世之淫婦與可憎者之母云婦酣飲聖徒及爲

伊伊穌斯作證者之血見之我不勝駭異天神語我曰爾
何異婦與所乘七首十角之獸其奧義我將示爾爾所見
之獸昔有今無後必出淵而歸沉淪天下億兆卽自創世
來未錄於生命冊者見獸昔有今無而後復出則必稱奇
之此具有聰明睿智七首乃婦所居七山或指七王已薨
其五其一尙存其一未至至亦暫存而已昔有今無之獸
是爲第八王亦居七王列終歸沉淪爾所見十角乃十王
尙未得國後必秉權如王偕獸爲之祇一晷皆懷一心以
己之權能予獸遂與羔戰羔必勝之以羔爲諸主之主列

王之王從之者乃見召蒙選中之忠信者復曰爾見淫婦
所居之多水乃衆人衆民各族各譯又爾所見獸之十角
彼將惡淫婦使之貧乏裸裎食其肉焚之以火蓋天主以
之置於十王心致成厥旨僅此一旨並讓伊等國予獸直
至天主前言有徵爾所見之婦卽治世王之_夫大邑

第十八章

厥後我見一天神自天降秉大權大地遂普被其光輝天
神大呼曰瓦微隆大邑傾圮傾圮今爲魔所居及一切邪
神不潔可憎烏之樊籠因彼邑使諸國飲其淫亂酒天下
諸王與彼行淫由邑俗奢靡故天下商賈於以富饒我聞

自天復有聲云、吾民當出此邑、爲弗與共罪、弗邁其災、其五
罪惡達於天、其不義天主亦憶及之、宜報彼、依其前施於六
爾者、且依彼所行、倍報之於罽、彼所酌爾者、今宜倍酌於
彼、其素自榮若何、奢靡若何、宜依之、俾其疾苦痛哭亦若七
何、因彼意謂吾位猶女王、非嫠婦、無由痛、故災害死亡、痛八
哭饑餓、一日薦至、伊必見焚以火、蓋審判伊之天主、係鴻
能者、天下諸王、素與之行淫、專事奢靡者、覩伊見焚之火
煙、必爲之痛哭號泣、懼害及身、遙立而云、災禍亦及爾、
瓦微隆素稱鞏固大邑、因審爾之判、立時及之、天下商賈十
亦爲之痛哭號泣、因貨殖無售之者、其貨殖乃金銀寶石、
亦爲之痛哭號泣、

珠璣各泉布、絲縷紫布、諸品香木、象牙及佳木、銅鐵白石、諸器亦有肉桂香品、香膏乳香、酒油麩麥、牛羊馬車、鬻身、鬻靈皆無售者。其向所喜之果無有，珍奇餽饌已離爾。爾不可復得。因彼致富饒之諸商賈，懼害及身，遙立痛哭號泣。並云：災禍災禍亦及爾大邑。素著泉布紫布絳布飾金玉珠璣者，蓋頃刻閒如此富有頓失。又各舵長與附載之人、舟子及航海商旅，咸遙立覩伊見焚之火煙，呼曰：何邑能與此大邑比擬？乃以塵埃蒙首，痛哭號泣，呼曰：災禍災禍亦及爾大邑。係以爾珍寶使操舟於海者富裕，因頃刻閒虛曠。天歟！聖宗徒及諸先知宜爲之欣喜，因天主爾審

斯邑之判成矣。有能之天神舉大石如磨投於海。曰。瓦微隆大邑。必猝然被傾圮。如此並不復有鼓琴歌唱品簫吹角之音。不復聞於爾閒。巧匠工藝不復居於爾閒。磨聲不再聞於爾閒。鎧光不復照於爾閒。新婚者與新婦之語不復聞於爾閒。因爾商旅乃世上大夫萬民以爾巫術見迷惑。且先知聖徒與天下見殺者血於彼得見之。

第十九章

厥後在天似廣衆齊聲曰。阿利魯伊亞救贖光榮尊敬全能。皆係吾主。因伊之審判公而真實。伊擬定大淫婦罪。以其淫亂敗壞天下。且索故流天主僕之血於其手。繼之曰。

阿利魯伊亞而其煙炎上永世不熄時二十四老與四生
物俯伏拜居寶位之天主曰阿民阿利魯伊亞有聲自位
出云宜讚頌天主凡係爲其僕而敬畏者及大者小者我
聞如廣衆民聲如巨濤如雷霆云阿利魯伊亞因全能之
主秉權悉治我儕宜欣喜歡忭讚美天主因羔婚期已屆
厥婦已自備時婦得服精潔帛布帛布卽諸聖之義德有
語我者曰凡見召於羔之婚筵者彼實爲福宜筆之於書
復曰此乃天主所言真實不虛我曲身欲俯伏語我者止
之曰不可我共爾悉屬僕亦如有伊伊穌斯證據之爾諸
弟兄然宜崇拜天主夫伊伊穌斯證據乃先知之聖寵旋

見天已開、內有白馬、乘之者、名忠信、眞實、公鞫、義戰、其目
爛若火燄、首冠多冕、錄其名於身、惟彼自知、餘無識之者、
其衣爲血所染、其名乃天主聖言、諸天軍從伊行、亦乘白
馬、服皓潔桌布、伊口吐利劍、爲擊諸異邦、卽以鐵杖牧之、
且踐全能、天主忿及赫怒之酒醲、其衣及裳、皆有名、書曰、
諸王之王、諸主之主、復見一天神、立於日上、向空中飛鳥、
大呼曰、可翔集赴天主盛宴、爲食君王屍、勇士屍、干夫長
屍、馬與乘之者屍、或主或僕、大者小者之屍、云、願見獸及
世上諸王、引軍咸集、欲與乘馬者及其軍戰、倏獸及僞師、
係於獸前行、異蹟眩惑、受獸號拜、獸像者、皆立被攬、生投

於火湖、湖充滿硫燄、其餘黨悉被乘馬者、以口吐之劍、斫之、飛鳥飽食其屍、

第二十章

我見天神降自天、司無底獄之鑰、持巨練、此天神擒龍、卽古初之蛇、乃魔、乃薩他那、繫之千年、投棄於無底獄、加以管鑰封誌、以禁其復眩惑列邦、歷千年、此限滿、宜暫釋、我復見有數寶位、與居之者、乃得以鞫人、且見諸爲

伊伊穌斯及爲聖教被殺者、乃昔不拜獸及獸像、其類與手不受印誌之人、皆在伊等已復活、與合爾斯托斯共乘權、歷千年、其餘死者、尙未復活、必俟遲至千年、乃復活、此

卽稱第一復活凡幸得第一復活恩者乃眞獲福且誠聖
因其重死弗攝於彼乃爲天主及合彌斯托斯爲司祭與
之共乘權凡歷千年限滿薩他那得釋出其囹圄爲誘惑
四方邦國謂國格與瑪國格招集之以助其戰其數如海
沙迨至於平陸環諸聖之營及蒙愛之邑天火卽降自天
主立吞滅之誘民之魔見投於有火與硫之湖中乃獸及
僞師之所彼等晝夜受苦永世不熄又復見至大色白之
寶位其上有坐之者天地見遁於其面而不得其所復見
死人自大及小立於天主前且有數冊簿盡展此外復有
一冊亦展乃生命書死人皆依冊所錄之行實被鞫時海

以所沒死者已呈之、死及地獄所存者亦呈之、乃各受審
判、依其所行、死及地獄、見投火湖、此卽重死、凡不錄於生
命冊者、亦皆見投火湖、

第二十一章

乃見新天新地、因昔之天地已逝、海亦歸無、我伊望見聖
城、卽新耶龢薩利木、自主由天所降者、修飾如新婦盛妝、
迓其夫子、嗣聞有大聲自天出云、此乃天主與人之幕、伊
願與之共居、彼皆爲主民、天主偕之居、而爲其主、主盡拭
其目之諸淚、死亦不復有、其苦與呼號亦無、因昔所經諸
况已往、居寶位者曰、我今以所有新造之、又語我曰、載之

書此言眞實可信。又曰：成矣。我乃阿利發及沃啐夏乃初
及終。有渴者。我以生活泉之水施飲之。凱勝者。可嗣全業。
我必爲其主。彼必爲我子。凡畏蕙失信。污穢殺人。淫亂巫
覡。拜偶及諸言誕妄者。其分在有硫兼火之湖。此卽重死
時。七神執七爵。滿貯七災。其一神臨格。語我曰：來。我示爾
以新婦。卽羔之室。倏感於神。天神攜我。至於大且高之山。
示我聖耶爾薩利木大邑。自主由天所降者。邑有天主之
榮光。其光似寶玉。澄澈碧色。邑垣高大。十有二門。門有十
二天神。楣書伊斯擲伊利十二支派名。東三門。北三門。南
三門。西三門。邑垣基址。十有二。上書十二名。乃羔十二宗

徒語我者，執金杖爲量度。邑與門與垣，邑形方，修闊相等，以杖量度，得一萬二千里。修闊及高，數適相均。度其垣，得一百四十四肱。天神所用之度，與人常用之度同。垣之締構，皆碧玉。邑以兼金爲之，光澤似玻璃。邑垣基址，飾以諸色寶石。第一址亞斯批斯，其二薩普肥爾，其三哈勒饒東，其四斯瑪攔格德，其五薩爾多尼克，其六薩爾德，其七合攔作利福，其八微攔勒，其九托葩澤，其十合攔作普攔斯，其十一櫛阿靜特，其十二阿咩提斯特。一珠爲一門，十二門以十二珠爲之。衢則兼金，光澤如玻璃。其中不見有堂蓋，全能之天主及羔，自爲邑堂。不藉明於

日月因天主榮光自輝耀之、及羔爲其燭、民之得救者、徧行其光中、世之列王、以厥尊榮、攜歸是邑、邑門晝弗扃、而其處不夜、萬民之尊榮、攜歸是邑、凡不潔溺污穢欺誕者、皆不得入、惟錄於羔生命冊者得入、

第二十二章

天神以生命清河示我、其水澄潔如水晶、自天主及羔之寶位流出、城衢中、河之左右、皆植生命樹、結果時十有二次、每月結果一次、其葉可入藥醫民疾、邑亦不復有被斥者、天主及羔寶位在、僕衆事之、僕得覲主、錄主名於額、邑中不夜、毋庸燭照、不藉日光、天主自能輝耀之、其僕秉權



永世靡旣^六又語我曰此言真實可信天主卽諸聖先知之
主宰伊遣己天神以不久應顯之事示知其衆僕我必速
至守此書預言者彼眞有福我伊望親見聞此甫見聞之
則欲俯伏拜示我之天神彼止之曰不可我共爾悉屬僕
亦如爾諸弟兄先知及守此書者然宜崇拜天主又曰此
書預言毋緘因時日伊邇不義者任其益不義污穢者任
其益污穢義者益其義聖者益其聖我必速至兼攜我報
我依其人行實報之我乃阿利發及沃呷夏乃初及終第
一至末凡守其誠命者爲得享生活樹之果自門入邑彼
眞有福若彼犬類巫覡淫亂殺人拜偶像喜誑言及誕妄者

皆斥於外、我伊伊蘇斯遣我之天神、以此證示諸教會、我
乃達微德根及裔、乃光耀啟明星、聖神與新婦、皆請之曰、
來、聞其聲者、亦宜請之曰、來、渴者來此、欲則可挹生活之
水、吾亦證示凡聞此書之預言者、曰、增益之者、天主必以
此書所錄之災加其身、如以此書預言而刪削之者、天主
亦必削其於生命冊及聖邑、並書中所錄之福、證示此之
主曰、我實速至、阿民、吾主伊伊蘇斯、誠願爾速至、願主
伊伊蘇斯合爾斯托斯寵佑、偕爾衆、阿民、

21706 (п.к.н.). р.ср.

